

即墨詩乘

卷九
卷十



卽墨詩乘

卷之九

周毓正

族高叔祖原名毓真字衷愷一字仲豈號心雪

康熙辛丑進士官浮山縣知縣有心雪齋集

萊州

府志毓正幼聰穎於書無所不讀才名冠一時宰浮山務以德化民歸里睦嫻任恤事事可風尤喜附後進遠近師尊之馮素齋文所傳公令浮山時軍需旁午公辦差者五一切驟匹鞍屐賄墊之費不累民間一錢攝篆沁水栽革冗費一以息事寧人為務

擬古

誰謂月有光誰謂菊有香流螢但自照秋草但自傷不

卽墨詩乘

卷之九

忍看河梁

鳥亦思其巢雁亦思其鄉南北各自去飛飛兩相將獨

步遶迴廊

秋思苦不短秋夢苦不長垂簾月在戶捲簾月在牀空

閨夜夜霜

惜花詞

去年春已花今年花如昨仍是舊時枝非復舊時萼莫

恨非舊萼盛衰各有託不願金爲屋不復珠爲箔一顧

但不忘甘心効葵藿

晚來蕊垂垂朝起花灼灼灼灼亦可喜灼灼亦可愕誰

能恃春光常在枝閒著纏綿既未深東風行復惡東風亦不惡紅顏命自薄

花開紅如陣花謝綠成幕開時君不見但道花已落不知泥中花盡是枝頭萼七綵芙蓉帳百尺流鶯索君但日日來那得顏色削

雜詠

綺季遁商麓巢許晦潁濱當時巖穴士寧止此數人名由朝廷重芳躅千載新邃谷有高士冥默守貞淳素志不獲酬姓名淪荒榛詩書開僞藪耳目豈有真造化屢迴薄今迹明已陳茫茫百年外誰能辨屈伸時蹇捐風卽墨詩乘

卷之九

二

妄地僻隔風塵吁嗟歸去來狂歌笑此身

小竹

心靜覺秋早悵然撥荒叢胡爲幽貞姿而乃雜其中高幹纔盈尺殘葉半爲空衆草利其危乘時各自雄枝低怯燕雀根微沒蒿蓬豈無凌霄志恥與衆卉同挺生表勁節青冥守固窮世情悲搖落天恩厚霜風引領長太息閉戶安愚蒙

偶然

出岫原無意歸裝亦偶然自收花底露來注馬蹄篇舊業前溪水勞生負郭田晚晴何所待孤鶴在遙天

誰將秋色至千里印長河不惜衡蘭晚空慚歲月多古
今憑蝶夢風雨變龍梭木落看庭竹青青奈爾何

聞雁

落葉驚殘夢賓鴻唳未休不堪聞靜夜况復引離愁月
冷關山淚風高塞草秋懷人正望遠莫漫過南樓

登城

落日挂城頭餘光上敝裘厓陰生積雪海氣結層樓暗
樹微茫去長天尺寸收飛鴻何處至早已徧芳洲

客安慶憶同學諸子

卽墨詩乘

卷之九

三

落拓今如許蕭條復此行乘春來皖水看畫過江城蕉
雨欺孤枕鄉心聚短檠勞山誰載酒應共話狂生

途中疊留別仲宣太史韻

燕臺執手爲君歌歌罷還應喚奈何別路馬嘶雲黯黯
長橋風起雪嵯峨儘教玉笛悲楊柳誰許金門說薜蘿
徙倚青山山外樹寒鴉滿日夕陽多

贈江語梅

何年摘藻憶秦京薄海新驚皇甫名縱有凌雲堪自獻
羞爲伏櫪向人鳴放懷倚劍千星小閉戶狂歌五岳平
聞道東南石可語勞山秋色正崢嶸

古別離

藏卻珊瑚鞭，囑僮但莫語。出門無楊柳，看郎那得去。

題畫

閒尋鄰叟坐，盡日依叢雲。瀑布飛千尺，清言隔不聞。
花飛鶴已暝，鳥靜山無語。秋色戀柴門，風吹未肯去。

蝶

裊裊時隨絮，飛飛故向人。休將羅扇撲，或是夢中身。

征婦吟

露冷銀塘秋夜長，愁心日午未成粧。征人猶憶紅顏婦，
不道深閨鬢已霜。

卽墨詩乘

卷之九

四

秋日餘香館雜詠

階下時聞風雨呼，寒光瑟瑟動庭蕪。秋來掘得雙龍劍，
把向江頭刈晚菰。

和任邱旅壁蘇氏女韻

西風殘照古關門，易水全消馬上魂。寄語東鄰諸女伴，
浣紗休更出前村。

周倬

族高叔祖字禹梁，號葛峰。康熙庚子舉人。

卽墨縣志

倬少孤，事母有至性。母疾多驚悸，倬屏息侍去，履以襪行庭，除間寒暑無少懈。以文行著，品望隆。一時遇事識大義，善學畫，爲宗黨所倚賴。

學畫爲宗黨所倚賴

喜歸

容身何事草堂寬半榻繩牀布被單幽築恰開弓十步
睡鄉初足日三竿林鶯尋約還芒屨風雨關心只藥欄
北闕故人應味此把來消暑敵春寒

馮文煥

字伯章號素齋拔貢生選樂安縣教諭有相蔭

堂詩稿

范莘田九皋素齋制藝序素齋博極羣書入成均兩中副車盡以其嶷崿厯落

困塞無聊者發之於詩批金解唐詩尤所注力

黃柱山立世詩序先生性曠達嗜飲每酒罷

燈殘索紙疾書千言立就

鐵嶺畱別免若表兄

卽墨詩乘

卷之九

五

飛鳥戀舊枝遊子思故鄉故鄉不可見故人樂相將與
君爲兄弟飄蓬各一方我欲往從之悠悠道阻長積思
不能寐中夜起徬徨安得凌風翼超然邁大荒

匹馬東山來寒草月蒼蒼訪爾良跋涉乃在遠公房執
手不能語喜極翻悲愴剪燭話舊事安知夜漏長沾我
東鄰酒開罇泥頭香俯仰爲君醉浩歌動河芒

釣魚詞

終日不得魚一竿坐溪水道逢漁父來舉手獲十鯉問
君亦何爲相去乃倍蓰漁父爲我言釣亦有釣理夏魚
爭上流冬魚好深沚竿輕易發絃鈎曲常畱餌往來河

水涯朝暮戒紛徙潛身靜不譁疑睇審疑似動靜疾徐
閒不縱亦不弛線牽浪花漩中流疾如駛當其有所獲
沾沾勿自喜以此臨清流投竿六鼇起豈不慎風波僥
倖未足恃

畫角吟

營州八月邊聲起感策寒生鴨綠水落日紅旗獵馬歸
高原首宿秋風死城頭烏烏聲者誰健兒倒捧海螺吹
埤塊烟空寒鴉散劃然一響天地悲激昂幽咽朝復暮
飄發清商墮素羽牧馬晨嘶鐵嶺風老龍夜哭湘潭雨
天陰戰鬼號龍堆漁陽鼓鼙匝地迴黃沙漠漠單于壘
卽墨詩乘

卷之九

六

白草蕭蕭李陵臺將軍夜渡長城窟吹入鏡歌聲不歇
一時三萬六千屯出倚營門看漢月月落蕭關滿地霜
征鴻沒入海雲長西風遊子不得意對爾淒其空斷腸
我謂此聲安足愁故國蒼茫海盡頭胡姬夜醉翟韞帳
左列笙歌右箜篌醉來彈缺爲君舞棧鴛鴦雞何足數
馬革千年弔伏波一杯先奠青塚土君不見明妃琵琶
蔡女笳相思何必蚤還家

招遊子辭

招遊子兮塞之隅彼美人兮思延佇浩浩淼兮山崎嶇
路遙遙兮不可踰君馬東兮二月初草茸茸兮楊柳疎

奄忽馳兮日月徂歲聿暮兮信有無霰雪雜兮雀鴉呼
總帳寒兮凝冰壺展明鏡兮朱顏殊理鬢髮兮獨踟蹰
君不思兮去故都山東饑兮田里墟民洶洶兮填溝渠
薪如桂兮米如珠炊骸骨兮咽糠麩百畝荒兮長蒿蕪
嗟顛連兮誰與扶君有母兮妾有姑君有妻兮妾有夫
甘旨缺兮容瘠枯髮蕭蕭兮倚門間紛以號兮藐諸孤
啼飢寒兮聲呱呱手拮据兮口卒瘡君不歸兮胡爲乎
陟高岡兮云何盱佩明璫兮衣繡襦沽美酒兮刈青芻
待君歸兮埽敝廬左琴瑟兮右詩書貧而樂兮長爲儒
何如遊兮哭窮途東句麗兮西番嶠秣君馬兮脂君車
卽墨詩乘

卷之九

七

君其來兮行于予

望鄉引

有所思乃在海以南海水浩浩三千里倒接青天碧於
藍上有蓬瀛閩苑之仙洲環列春風十二樓樓頭瑤姬
字阿瑀珠翹霞佩建鳳羽冰肌綽約雪凝膚朝爲行雲
暮行雨我來自東與子契濶山川閒之憂心掇掇塞路
綿亘而草枯虎豹跳梁鴻雁疎登高遠望雪模糊李陵
臺下歌嗚嗚太子河波浪黑五國城沙漠白黃龍夜半
角聲起扶餘霸業沈折戟西望山海關飛鳥不能越衰
草滿長城戰骨堆明月月落西南海茫茫龜城蜃閣倒

扶桑行人欲渡津無梁我欲從之道且長望美人兮水
一方水復水兮山復山安得長房縮地鞭君不見鴉青
谷胡姬亭亭行三五青絲椎髻梳盤龍琵琶閒撥囉噴
曲我獨伊何行踽踽憩高山兮三太息夕陽一聲下蘆
笛

秋懷

孤客聞秋早鄉書過海遲無邊遊子意不復家人知落
葉關河肅胡笳天地悲徘徊荒磧外忍見李陵碑

秋夜有感

牧馬夜蕭蕭邊風野火驕月窺紅葉戍霜落黑江潮懷
卽墨詩乘

卷之九

八

刺生漫滅探囊得寂寥一枝不可托俯仰愧鷓鴣

除夕

獨將辭歲酒隨意酌天涯歌舞今何夕風烟到處家舊
巢思燕子新愿看梅花莫道流光盡饒知鬢未華

舟中晚眺歸興

暝烟下極浦歸興對栖禽亦有白雲思其如青海深夜
長生旅夢客久失鄉音不遇家書貴安知抵萬金

春夜偕匡帝錫雷宿三易齋

良夜春風會故人幸不違雞聲鐘外盡山色月中微勿
惜坐談久翻愁相見稀東郊桃李陌此後正芳菲

夏夜

露螢依暗草，獨坐靜黃昏。
萬樹濤歸枕，半簾月卷門。
住山忘甲子，作客信乾坤。
好語今宵夢，不須向故園。

山夜卽事兼寄次山

客心憐獨夜，散髮倚空牀。
晚樹屯烟黑，孤村落月黃。
山林新意味，風雨舊行藏。
卽事多惆悵，故人會不忘。

畱別匡帝錫

別爾東山去，欵獻送當門。
此心何以報，相視不能言。
風雨客魂聚，馬牛吾道存。
思君應有淚，前路問啼猿。

夏晚書懷

卽墨詩乘

卷之九

九

孤篷來萬里，匹馬下三韓。
夜月臨關迥，鄉書渡海難。
山深晴亦雨，寒近夏常寒。
忍待南飛雁，征人掩淚看。

發鞍山驛

古驛連村曙，雞鳴遠樹微。
秋風吹病骨，山月冷行衣。
路到南蘇近，人逢北雁稀。
何當踰海嶠，匹馬復西歸。

西和縣

我到西和縣，蕭條井邑空。
人家百戰後，官舍萬山中。
板屋高堆石，土窰深避風。
每逢明月夜，猛虎過城東。

靖州

從古牂牁地，風烟異漢家。
江連三楚盡，山入五溪斜。
竹

經冬筍茶開隔歲花苗人衣尚錦往往賤桑麻
暮冬蒙陰

僕僕東蒙道窮年尙未休連山雲出峽落月雪平溝世
事分秦越吾生竟馬牛何當歸碧海一葉釣滄洲

寄懷范莘田

鶴亭別後近何如作客三年賦索居遊子歸從千里夢
故人坐惜一行書春山載酒題詩日秋雨聯牀說鬼初
回首不堪重悵望蕭蕭荒草滿扶餘

寄懷周衷愷

剪燭高歌出塞行當年意氣逼秋清誰言骯髒三齊士
卽墨詩乘
卷之九
十
倏爾飄飄五國城壯歲投荒悲老大病時懷舊感平生
淒涼一夜聞邊角猶是琵琶馬上聲

秋懷

躑躅西風思若何寒楓葉落水空波漢臣有信絕鴻雁
楚客無裳剪芰荷異國傷心青眼盡故鄉回首白雲多
一從吳市吹簫後買得離騷不忍歌

蒼石山寄佛次山

萬山雪滿凍雲痴正是思君望遠時不信愁多唯有病
自從別後並無詩誰言狡兔營三窟可惜鷓鴣戀一枝
極目長憐邊塞草青青好待暖風吹

郴州

誰逐衡陽雁影來
蠻烟七十一峰開
郴江路接章江近
桂嶺人從粵嶺回
戍鼓已殘頻喚燭
庭塼不雨轉生苔
清秋砧杵連城起
不聽鷓鴣也自哀

秋風

兩岸蘆花一葉舟
西風吹過楚江秋
落霞影斷歸漁浦
畫角聲高出戍樓
鱸膾久思吳地美
羅紈不動漢宮愁
誰堪衰草斜陽下
日送衡南雁北流

題長安旅舍

誰教范叔入秦來
瘦馬塵衣道路哀
萬里關山和月度
卽墨詩乘

卷之九

十一

三春風雨惜花開
新豐有市能沽酒
隴外無人可寄梅
回首可憐齊魯地
海雲五色接蓬萊

別諸友

來與故人別
將爲萬里遊
春風吹不定
匹馬向秦州

開原暮春晚眺

社雨催花花已飛
魚秧潑潑蕨芽肥
龍城日暮角聲起
拾得當年折箭歸

春思

霏霏社雨散芳郊
紫燕重來覓舊巢
遊子不歸春色晚
東風吹盡海棠梢

萬里滄溟萬里關塞塵日日減朱顏杜鵑啼老不歸去
匹馬羞過浪子山

秋燕

歲歲傷人門戶飛江南辜負舊烏衣秋風莫笑翎毛短
道是歸時已早歸

夏夜卽事

山杏離離子漸黃南風吹動麥花香鄰翁飯罷抱兒出
高坐樹根納晚涼

范九臬

卽墨詩乘

卷之九

十一

字莘田號鶴峰謁子諸生有唾餘集

尤過庭淑孝傳其學

嗜恬淡貴慎約篤意人倫鄰有骨肉相參商者先生不數語卽感泣好如初究心文獻先輩遺翰多借以廣其傳著有卽墨縣志藁存

骨形盡雕鏤之工

哭周漢胥

天地一蜉蝣誰能百歲活况復年荒荒不見生人樂桑
戶返其真君今亦解脫所悲在平生天寒日影薄

太清宮

誰奪仙宮闢紫微黃冠終不化緇衣經藏古洞龍猶護
錫去炎州鶴自飛諸相空時人與我羣言紛處是還非

祇今指點荒基在野竹秋風綠一圍

修竹數畝
上人手植也

郭廷燾

字虞翔琇子康熙丁酉舉人歷官嘉興府知府

黃菱溪如鑑雞談郭公虞翔守嘉興時石門令
詳稱白蛇妖爲崇民間公批尾云准拘究獲蛇
如赤條伏不動色如銀棄諸河石
門妖遂絕嘉人爲演白蛇記傳奇

留別莘田

秋風不耐鬢成絲况值魂銷欲別時一揖君先強色笑
相看我忽拙言詞尊生只合加餐飯卻老惟堪學醉痴
我去吹將江上水爲君添作百年卮

周聯馨

後學王岫填諱

卽墨詩乘

卷之九

三

先曾祖字元芳歲貢生有楚遊草

馬蓼亭長淑
傳公兄弟友

愛四世同餐一堂中自相師友

先曾祖楚遊

記同黃夢嵐談及古人冷香韻夢嵐曰心自炎
涼磨出冷話經富貴說來香孫維籥曰情從熱
處翻成冷味到淡時始覺香予曰客逢佳節情
偏冷酒遇故人味倍
香蓋各道其所歷也

秋夕

金風瑟瑟拂窗過腸斷秋聲奈若何鼓角不須驚客夢
寒牀今夜旅愁多

周來馨

先曾叔祖字偕芳號雲壑雍正庚戌進士官臨

潁縣知縣有雲壑小草

傳淡成詠傳公事親孝
處昆弟怡怡爲學務實

得與人交重信義終始不渝家故貧及服官持節尤介甚一絲一粟不取於民爲政尙慈惠有獄立判之以勤勞卒單青核煇傳公宰臨潁潔己愛民協賑儀封躬歷鄉村查閱民得實惠歿於官囊橐蕭然治民歸賻弟同芳公曰吾兄素以廉名今受金如風志何卒御之

夏日

清夏多幽趣倏然百慮空短箋書急就妙義注參同池
暈魚將子花翻雀啅蟲階除時小立不覺月朦朧

寫懷和梁鏡潭韻

得失誰將塞馬評魯生羞博識時名蠹魚自飽神仙字
竹馬何勞赤子迎酒淡應思千日久囊空始信一肩輕
幸參藹藹春風座堂上冰壺徹底清

卽墨詩乘

卷之九

十四

懷傅淡成詠

可云薄宦滯天涯
琴劍飄零各一家
君去獨攜燕市酒
我來空羨洛陽花
別經千里心猶醉
交憶十年鬢欲華
搔首臨風人未遠
日從天畔看朱霞

懷山居

又將斗米問生涯
竟別終南處士家
早識山中成小草
還從洞口覓桃花
青燈掩映三更夢
白髮蕭疎一夜華
望入鄉關雲樹斷
茫茫海國盡烟霞

燕巢和謝憲南韻

軒軒燕子受風斜
啄就香泥問水涯
翠羽簾中新地主

烏衣巷口舊人家，棲身畫棟連雲起。
放眼青燈入月餘，與爾梁園同作客。
庭前日日看歸鴉。

和莘田舅病中憶山遊原韻

故山無自認，前溪秋水機關逐。
馬蹄知是白雲頻，入夢尋真又渡野橋西。

周迪馨

先曾叔祖字同芳副貢生有克修軒遺稿

傅淡成詠

傳公性沈毅總角嘗閉戶獨坐長博涉羣書指
朱文公近思錄薛文清公讀書錄曰根柢在此
泛鶩奚爲早失怙事母孝友愛兄弟年荒日不
再食高吟會文不少輟黃靜軒樞制藝序先
生磊落負大志尙氣節敦行誼發
爲文章言簡而理該節短而音長

卽墨詩乘

卷之九

五

哭藍方玉

口頭膠漆定誰真，生死如君倍覺親。
最是親看含飯夜，歛歔頻對意中人。

少年俠骨自天成，睥睨人間意未平。
熱血滿腔無洒處，墳頭孤劍吼風聲。

馮素齋文介方玉墓誌方玉名中琮寡交接師周同
芳契若膠漆易簣之夕俟同芳來視握手瞪目而逝
藍汝封中珪紫雲閣集方玉髻齡時有
一腔熱血無噴處壁上魚腸戛戛鳴之句

周湘馨

先曾叔祖字汀芳諸生

送別思鎔孫歸里

惜別幾行淚臨歧倍斷魂關山憐汝小

時年十七歲

寢食向

誰言秋色白蘋岸西風黃葉村有人凝目望行矣戒晨昏

楊士鑑

字寶千號華峰兆鯤元孫雍正癸卯甲辰進士

改庶吉士授編修歷官吏科給事中思州府知

府

九日遲友人不至

前月山溪漲高處盡爲谷今日菊花節居然成閨獨籬

邊蕊復青牀頭酒已漉浙浙海風來蕭蕭落庭木我友

卽墨詩乘

卷之九

六

弄白雲遲之不可速霜林夾綠嶂秋水孤鶩浴日暮度

歸雲臨風空遠矚

楊士鑑

字庭可號丹峰士鑑弟雍正丙午舉人官建平

縣知縣有山人瓢浙游草

秦淮聞笛

徙倚秦淮上青溪幾曲流聲華江孔寂歌舞頓楊休露

冷虬松月風寒慈竹秋誰家笛入破子夜故悠悠

楊士鑑

字乾一號南溪士鑑弟乾隆壬戌進士選南靖

縣知縣有南溪草

黃柱山立世述舊集乾一嗜讀書成進士猶不釋卷餘南

靖令道卒

錢塘觀潮

羅刹江頭尚呀呷長鯨吸岸岸欲塔忽覺天風吹海立
突起長蜺橫地匝南龕北楮兩山閒瓊鼇躍過飛龍峽
薄雲噴雨蕩空溟隱隱一抹青山壓恍如巨靈鞭叱崑
崙墟驅來千嶂飛嶻嶭又如夔牛引椎鼓旬稜奔雷撼
天日月怯魚龍騰踔鬼神猜凜焉逝目眩靈擘須臾勢
過萬態寧曾有飛波侵衣袂錢塘潮汝幾回來日暮寒

江雨書雪

卽墨詩乘

卷之九

七

楊士鈞

字端叔號鄰鶴士鑑從弟諸生有鄰鶴詩草

古風

天口古風
竅鳳不飛埒雞起舞蹇驢飾轡良馬駕鼓世事增奇白
黑錯迂有客閑閑牛衣蓬戶苔荒三徑糧絕二舖中宵
載歌金石自吐
壯士行
脫劍七星明眈眈氣未平欲求身死處肯等一毛輕潦
倒傾燕市迂疎笑魯生爲憐知己少屠狗自埋名

黃昏

秋原人易感可奈此黃昏月苦遲宵火風寒作雨痕離
家無久暫處世任乾坤欲就前村宿隔林望薜門

愁緒

愁緒紛相觸淒淒雨雪聲長貧無故物多病覺浮生市
斷薪難買天寒夢不成明朝春事及又是一年情

題磷仲兄海上廬

女姑山北海重圍一帶清寒壓板扉人坐空堂燃柏子
打窗風雨鶴來歸

楊士銘

字俞泉號大廉一號槐亭士鑑從弟乾隆乙丑

卽墨詩乘

卷之九

七

進士改庶吉士官介休縣知縣

題郭旭南石交樓

竹老全依月峰成半入雲可知人境外風味盡輸君石
骨參差見香清斷續聞誰言不能酒蕉葉有餘醺

周知非

族伯祖字蘧學康熙辛丑進士官確山縣知縣

有待恩居詩稿

聞角

畫角暮何急烏鳥城上樓一輪霜月老千古海雲愁病
馬驚還起哀鴻斷復畱嗟余久行役聽取白榆秋

遺憤

歲序催人兩鬢皤韶華自惜暗中過雖然縱酒非關癖
偶爾吟詩不是魔安命只宜同塞馬爭光何必逐燈蛾
五湖若肯教歸去願伴漁郎理釣蓑

衢州待道弟不至

憶作相逢是也非臨歧附耳約同歸如何只見燕南去
底事不聞雁北飛故國頓忘薇蕨味他鄉定戀荔枝肥
迷離兩眼拭雙淚盼到黃昏始掩扉

紀鳴球

字盛元雍正甲辰舉人有紅杏園詩稿

卽墨詩乘

卷之九

九

題王文洲遺愁編後

前身應是玉樓班一笑清風便自還苦向瑤編尋小像
瓊花原不在人間

解 瑤

字琢章一字涿章號柳溪諸生高文端晉贈序
琢章宿儒余師

之小致身心放逸官聲敗墮者琢章之力也

孔京立廣榮贈序琢章博極羣書躬修程朱之

行張南崧鵬展山左詩續鈔小傳琢章工古

文詞孔云亭館之岸堂桃花扇傳奇初脫稿親
爲按節終卷家藏海岳投稿人
卷知名士所贈詩計百有餘人

送別王介黎

尊酒難爲別園林未肯畱茲行獨策馬昨夜共登樓野

鳥穿花落蓮池隔岸流美人不可見倚樹望搔頭

秋日雜感

壯懷和硯半銷磨十載流光歎逝波愁劇預嫌村酒薄
燈昏偏覺塞鴻多珠胎有淚沈滄海塵夢無緣到大羅
贏得錦囊佳句在未妨閒處一高歌

江鳳池

字天一號雲溪又號漁隱諸生有粵遊集

題慈巖石壁

怪石巉巖覆翠華遙從洞口認仙家桃花落後須收拾
莫引漁人來繫槎

卽墨詩乘

卷之九

三

東流舟中

風風雨雨暗黃昏泊盡山城與水村回首可憐秋色老
鷓鴣聲裏拜江豚

江環

字唐玉歲貢生官鄒平縣教諭

閨情

相思日來深腰肢不盈束朱顏空憔悴誰復施膏沐蕭
郎義誠薄賤妾命亦苦雖值燕飛候曾無寸書辱寂寞
近清明白日隱西屋嬾爇金鴨香羞展芙蓉褥凝目視
屏山銷盡雙鳳燭下我七寶牀徙倚離閨曲春光自幽

沈春月若新浴獨倚畫欄行驚起鴛鴦宿銀河東西橫
露華明可掬三更不知倦坐起意轉促颯然清風來海
棠紅遶遶絕難久居感此傷幽獨

黃芳世

字菊秋號若洲坦曾孫乾隆辛酉舉人官京山

縣知縣降章邱縣教諭有偶存集

黃氏家傳公
倜儻有智畧

令京山潔己愛民

馮素齋文炳序菊秋父司

寇公赴選長安時有句云三更行李催雞夢千

里雲山
俯馬頭

秋夜

月冷照江秋飄搖非壯遊來帆斷雲漏去火小星幽客

卽墨詩乘

卷之九

三

夢千家杵鄉心一葉丹夜深眠未穩魂繞大刀頭

別潘羹臣

聚首不知樂別時方悵然幽懷從此遠好句向誰傳月
色閒花逕潮聲送客船今朝一揮手寫意在鳴絃

官閣秋夜

幾夜西風夢不成官樓細細數殘更隔牆忽閃青燈影
別院還吹玉笛聲孤枕淒涼蛩有恨尺書寥落雁無情
天涯多少思歸客一片鄉心對月明

答柳昭仁

驪駒一曲暮春時風雨蕭騷嬾賦詩最是三杯人靜後

紅牙低唱竹枝詞

黃偕世

字同人鴻中子諸生

歲暮舟中

雪殘帶寒色木落無餘陰之子在萬里江波日夕深高天不可極客愁故難任生理如一葉浮沒託江潯

憶金陵效宋人體

天塹雄圖半欲銷遊人憑弔住蘭橈江山依舊蟠三楚花鳥從新夢六朝脂井於今空貯月玉樓當日競聞簫金川門外千條柳送盡悠悠萬壘潮

卽墨詩乘

卷之九

五

黃宏世

字坤咸號石屏貞晉孫增貢生有雪舫詩稿

單青

休煊傳先生孝友敦篤視躬如弗及與伯兄庶咸中翰析箸且廿年伯兄隨怡賢親王治水利先生悉家資以給產去十之七無幾微憾家小勝榮鈔卽墨舊聞先生工詩及書畫篆刻夢中得四語自刻諸石攜酒入山家雲深日漸斜柴門倚綠水竹籬繞黃花

陋巷吟

桑土艱生事琴書亦可容牆低松影過溪近柳陰濃辟世吾何敢吟詩老未慵劇憐寒夢覺隔寺一聲鐘

黃簪世

字紋皆號容菴塢曾孫例貢生官順天府通判

酬卓峰弟

西風吹上木蘭舟，邂逅天涯感別愁。
江浦孤鴻空叫月，池塘衰草那宜秋。
幾年白髮悲搖落，到處青山任去留。
瑤席金尊渭城曲，頻教夢度二勞阪。

黃晟世

字樹東，號良齋。體中姪，附貢生。有于時堂詩稿。

范又雲中蘊寄莽集良齋善易能詩，著有易說黃西玉如瑄懷家叔樹東詩，纔研曉露點周

易又出舊聞注水經

萼菜

早向雲湖千里傳，楊梅盧橘未能先。
鄉心不待吟秋日，

卽墨詩乘

卷之九

三

風味曾聞入洛年，吳地逢春烟棹晚。
楚江迎社酒旗偏，祇今湘渚湖邊水。
雨葉風絲蕩客船。

由南湖至桃莊

繞隄衰柳漾平沙，綠浸闌干繫短槎。
岸曲斷林通客屐，水邊深竹住人家。
澗流猶帶宵來雨，霜色遙分天外霞。
歸路不知何處了，小樓又卓酒旗斜。

病中成短夢

竹榻蠶眠物外身，殘燈風雨識前因。
死生三世空塵劫，骨肉廿年悲苦辛。
病裏不堪身爲客，夢回猶道汝爲人。
不須往事從頭記，零落牛衣泣暮晨。

黃恩世

字吟薪號南厓克中子諸生有有此屋詩集

黃柱

山立世南遊草序兄偶作韻語輒清雋有味

過大庾嶺

危磴經千折溪雲嶺外深雄關餘霸氣削壁怖人心雁羽飛南北梅花自古今悠悠東海客蠻域鬢毛侵

南安道上

久慣他鄉不計程薰風漸次滿江城水從孤客心頭折舟在亂山腳底行過後畫圖今覩面當前花鳥錯呼名就中欲寫相思曲又恐長宵百感生

卽墨詩乘

卷之九

十四

寄文甫兄卓峰弟

嶺外征鴻杳不聞弟兄爲客又離羣夢魂輕似秋來雨愁緒多於海上雲短鋏聲中歌古調望耕臺畔讀遺文也應屬我能消遣一碗殘燈酒半醺

得家書

忽爾鄉書過五羊開封不忍細推詳一生知己人先死萬里傷心事盡荒異國烟雲多瘴癘故園風雨亦淒涼怪他無定春宵夢夜夜飄颻到草堂

林鵬年

字程九號雲野副貢生官海豐縣訓導

寄懷范虎文

明河案戶火西流
驀地驚心落葉秋
萬籟調刁風透骨
一天空濶月當頭
漫因微利爭蠻觸
懶把生辰問斗牛
渺渺故人千里隔
遙知兩地有同愁

劉雲舉

字選青諸生

候莘田先生

名士不輕老病餘
意自閒無須驚鶴瘦
且喜觀松顏汲
古青藜下吟詩
綠箇閒精神猶矍鑠
問字幾人還

卽墨詩乘

卷之九

三

卽墨詩乘

卷之十

郭廷翁

字虞受號冷亭又號根菴琇子乾隆辛酉舉人

官南城縣知縣有根菴詩集

黃練江如瑀卽墨詩鈔小傳公工詩

善書畫篆刻令宜春南城所至有廉能聲尋告歸與諸名士賦詩酌酒考證書畫古帖一時雅

集爲東國之勝張南崧鵬展山左詩續鈔小傳根菴藏古帖甚富高南阜集山左先輩墨蹟

三冊顏曰桑梓之遺授根菴根菴菟輯宋元以來成八十三冊熊石芝曰華跋虞受爲政平

恕而能斷其詩冷然而善使人之意也消

與諸子垣

卽墨詩乘

卷之十

一

肩隨爲兄弟次第各支分邇之祖與父豈不共一身我

夢遊廣漠肢股忽不仁心竊惡其妖未敢以告人解曰

春夢亂胡爲事卽真我歸未三日計者已到門今者逢

計典謬邀拔擢 恩捉我官裏去待罪西江濱言懷

十年別更傷千里魂與汝抱持哭相看聲欲吞無奈遣

汝行父喪汝當奔我畱固不可去亦傷我神去去或不

遠邂逅江上村匏繫一官微誠如昔人云八月至邗上

津吏爲我陳傳汝凌晨發我來已及昏相值不相見剝

那越與秦家鄉望雲海那得相知聞我行離家久事應

多糾紛汝一襄事畢爲我理其繁我有兩兒子無異犬

與豚大兒氣鬪僂小兒性尙屯汝亦爲兄弟同堂孰與
親熟視父與叔事事相依因汝母汝叔母素好無閒言
其如二豎何坐我寢與門汝母不汝嗔汝時須過存一
言爲慰解無藥可回春木撥生意短味聚米飲醇和氣
致之祥庶杜旁人論他年我歸來哭向汝父墳兩姪一
兒子從我攜一尊汝父如有靈此時或抱孫念此一展
眉閣筆轉悲辛

由袁州赴南昌同黃式亭

天如白玉甌水底天爲蓋略辨水天際遠岸橫一帶孤
舟渺杳閒一葉吹萬籟翻若空無著攬身天地外我家
卽墨詩乘

卷之十

二

住東海東海水之匯瘦日方晝昏其中舞靈怪我又聞
黃海豐隆颺雲旆一波起復平頃刻滿金界大千混元
氣雲水光一派其氣上下親塔焉與之會放眼無巨渺
須彌藏於芥所以逍遙遊儻成雲翻大

欲雪不得雪北風壓船重仰視天一白色淡頗黎凍黃
頭癡如蠅肩縮毳毼空我亦下重箔奉身請入甕夜深
風亦號呶然萬竅縱一燈影幢幢寒吹青烟弄牀頭一
升酒况兼筍蒲供將子興頗豪此酒飲宜痛我雖不能
飲聊亦相嘲鬪雪花飛蝴蝶栩栩隨入夢夢中篙櫓響

水天正瀕洞

結廬

結廬西山阿門外四山繞一隙劃空明海色入窗小
森碧波來孤帆下樹杪

雨後前溪

雨歇見南山山容淨如洗小徑沒荒蒿溼雲飛不起溪
流漾新綠沙明清見底何處釣魚翁獨背夕陽裏持竿
排日坐蓑衣半身紫

中州古雜體詩

五君杯杓

瞻上清伊洛口宮之右布以肘圓穴五楹穴九儼饋盒

卽墨詩乘

卷之十

三

酌漿酒儼頰盤匊可取太老君五君首真人左仙人右
饗東后殿西后列安坐馮靈走神祚機四老偶祀事同
芬茲楸叶上聲保子孫羞父母用斬享彌年壽古北邙如
山阜

妾莫如

妾莫如揚虛侯武女侍書侯生畜之死志之妾之遇侯
恩亦殊上有一坏土下有三重墓中有朱漆片貯匳粉
與脂又有古銅印文曰妾莫如漢有毛莫如斯人其是
與可惜名存亡其姓石志模糊不可稽死者長已矣生
復待來茲并此石之俱亡者香銷玉碎茫榛墟吁嗟乎

妾莫如

受禪臺

臣散勸進臣詡後潁陰登禪臣丕受臣朗撰文鵠書丹
臣繇再拜稽首鑄鉅碑偉字踈蹠堅惟恐軋剝培滅後
世失其傳吁嗟乎黃初改元自此始舜禹之事吾知矣

昇仙太子

王子晉學辟穀遺蛻永水之層曲雲階月地神冲虛瀛
壺蓬島遂熹娛前身後身紛紛諭評胡爲乎牽妄崇信
后敕曰進諛豔因果后制曰可嗚呼昇仙太子如可作
何不來救緱山火

卽墨詩乘

卷之十

四

鍊大還

求神仙鍊大還六轉嵩陽觀九轉緱氏山今年丹成符
應至明年冊封女道士

陶八八

平陽罵賊魯公不死尸解棺空荒唐青史乾坤正氣文
章正始兩用相發辭達而已碧霞刀圭神仙安耳米顛
好奇乃取於此顛乎顛乎顛忒煞彼焉用此陶八八

郭公塲

郭公塲朱書字百戶言撫軍至撫軍告百戶發藏不禁

予之誤

原塲戶字雜入
去聲故仍之

撫軍告郭公千秋萬歲增爾封

嗚呼一坏之土俾勿壞郭公塋在滎陽賈

大都箭鏃歌

乾隆十六年正月入京師得之武清楊村驛沙

磧中長三寸許土花徧身三稜鋒銳似猶欲飲

武王大人不可觸者昨攜至陳員外守貽席上座客凜

歎歸而賦此

大都路遺毒鐵寒森埋地五百年焦煎未盡猶露骨金

元之際宋之季此之所貪彼所棄戰場星落繡土花根

嵌彷彿大銀字可憐蒙古下江東袞袞船旂逕長風一

矢不加臨安失北門之遁母乃匹衛白風沙漲帽簷摩

卽墨詩乘

卷之十

五

擘凍指如排籤幾點疑是髑髏血模糊尙漬三鎌尖攜

來燈後蒼蛇蚺凜然四座驚開匱主人青睛盲於視陳短

視卻步顧之不敢探自昔聖人誠不伐此物凶器真無

忽君不見土伯不藏夜燐青年年鬼哭楊村月

春夜宴百花洲上九江黃郡伯五亭

九江太守黃次公去年招飲匡廬峰雖拘簿領無敢應

賤軀如沐春風中今年君來守建武青雀移泊雙江渚

行館張筵召賓佐暫稱香雪春雲主香雪春雲百花洲
榜字瀋陽唐蝸寄

春雲漠漠織阿愁香雪霏霏春更幽平分付與金杯

滑宛轉常教桂櫂畱東望九華西香水有客辭家幾千

里任從芳草滿天涯
鷓鴣絃象板珠簾低
歌罷敲斜倒玉山
九枝弄影風闌干
花香繞袖不能別
參旂西轉橫遙
天歸臥暑樓春箭
促合有片時清夢
福醉魂飛繞黃公
鐘髻髯題詩紅綺
疏

次日再過百花洲

夜色橫空渾一氣
幾認湖水作平地
曉看周圍水吐吞
翻疑此地元無根
海上三山何自來
五雲明滅多樓臺
仙人卻向世閒住
照水依然金碧堆
銀河未翻斗未沒
瑣窗照見玲瓏月
記得闌干西角頭
天風習習墜香雪

山家

卽墨詩乘

卷之十

六

山家住山一山竹
黃茅毡毳時見屋
小兒出門爭看官
阿姊十五亦跣足
大竹棖棖鳳尾張
小竹斬斬如欂櫨
提筐行飛捷如鳥
回頭已過南山道

懷周芸工

去年八月邯鄲道
秋風碌碌殺秋草
今年八月西江灣
鴉飛策策秋風寒
年年恨別秋風裏
去年今年吾老矣
人生聚散一闕塵
東流有如此江水
滕王閣下江水深
浦雲山雨連秋陰
日暮倚闌直北望
所思不見空復吟

時芸工番
京師二年

夜餞掖水呂文巖

海上起秋聲烏飛月滿城無端傷遠別能弗憶同盟良
會身仍健蒼髯意不平索居從有感對爾倍關情

池上晚興同夢華梅岑限齊低攜西次第四字

暝色圍天住蒼茫四野齊烟橫村樹斷山抱海雲低坦
步沿溪曲深尊共友攜滄洲明月在坐待小橋西

聞菴

肯放秋聲歇長宵伴苦吟開門不知處夜色但蕭森鐵
嶺三更笛金閨萬里砧從來多少淚爭遣莫侵尋

聞捷

聞捷遽驚起高堂報老親何緣有今日自是仗先人家
卽墨詩乘

卷之十

七

世傳清白詩書盡苦辛年來些得力未敢怨風塵

秋日宿莫州故城

遐思入平蕪天高一雁孤何人能倚劍我自拙吹竽破
屋搖星斗空城響轆轤可憐秋意切風雨信長途

早發賴坑

早起無時刻聽雞當漏聲河流依岸轉山月逐人行樹
外千帆穩霜前一塔明曉風倍慘慄墟里望烟生

夜泊揚子驛

夜泊當天險悄然思不禁雲昏平野下月黑大江深地
勢終南北潮聲幻古今海門風靜處迢遞起邊陰

入境臺

凌歊出木末曙色照樓明日動鳥移樹山隨人上城遷
流吳地盡徙倚楚雲平鄉路盈盈隔憑欄百感生

初見月

斜見影沈鈎蒼茫江水流餘光故依草背岸尙明樓暑
氣迎秋薄風聲作客愁來宵應更好著意費勾留

送牛階平任秦安令

邊邑新加古渭州隴城心折憶經由九龍屹立黃河曲
六漢遙臨紫燕浮荒微豈無秦父老循良猶見漢春秋
祇今聖世勤耕鑿處處畱畬已滿籌

卽墨詩乘

卷之十

八

送張忍齋守瓊州

高檣乘春愜宦遊海門南下是瓊州七千餘里黃梅雨
三十六潭白雁秋載酒重來剖符竹浮雲遠去隔滄洲
浮雲閣封翁藥山公養息處桑田信有東溟叟爲問鶴添第幾籌

廣陵懷古

錦帆昔向廣陵遊明月濤聲接石頭風露一江沈鐵鎖
笙簫百部下龍舟胭脂冷落宮人淚楊柳凋殘帝子愁
依舊東來王氣盡夕陽紅蓼滿汀洲

望江涇示別垣姪

欲別未別亦悲歡旣別重嗟行路難底事由他漫惆悵

高堂爲我報平安吾家忠厚從三世爾父清貧只一官
此去成人須決計重來更作一時看

留別熊石芝同年

愁聽驪歌重黯然一聲和淚落君前相逢縱有將來日
垂老寧堪再數年草色全荒春雨外人情無恙暮帆邊
卻嗔陸海風波惡祝我平安萬里船

登建春門城樓

停雲東望曉參差獨上江樓有所思秋色直連天盡處
鄉心多在月來時涼螢著露沾荒草驚雀無風過別枝
愁我不妨愁便絕十年前已鬢成絲

卽墨詩乘

卷之十

九

寄黃旭東

一度懷人一黯然故山回首暮雲邊飢來驅我四千里
名亦誤人三十年世事無心雲出岫閒愁欲寄雁橫天
君如問訊新來况七里灘頭上水船

月下見落葉

一葉下庭柯秋風且若何無將搖落意空負月明多

池上見早秋

風塵漫許駐高閒嬾性無如此閉關一夜不知花落盡
曉來秋色在南山

三茅觀

南渡衣冠萬馬騰三茅觀接宋諸陵上清弟子蒙塵去
破壁殘碑紀中興

遣陳紹文回嘉興書揚州旅壁

江水茫茫首重回廣陵潮上望雲堆相看七十五亭路
猶有江南月色來自嘉抵揚計七驛

雨中清江

臨江城下清江清江草江花夾岸明細雨楊林風正午
二分春在勃姑聲

友人得古甄紀年曰興和誤為銅雀臺故物書來

相訊寄一絕代東

卽墨詩乘

卷之十

十

興和不紀漢家年想是南城古硯甄可有千秋萬歲字
徧身細簇小花團

秋屏閣

子固工詩未盡非興來一語亦橫飛何人曾到秋屏閣
不見青青四打圍

江如瑛

字渭仁號梅岑乾隆庚午舉人選冠縣教諭有

梅岑詩集

高西園鳳翰序渭仁爲冷亭詩社宿將所至會心引人入勝張陽扶鈴

梅岑摘句圖先生詩如片雲蟠樹黑殘雪襯階明酒旗連雨挂蓬戶帶雲關燈落新花纔半結人餘宿酒未全消野店人家畱客處夕陽慈母倚門時皆爲前輩所賞

寄藍叔信

旅况由來苦，知君久更深。寒暄孤客夢，風雨故人心。卻病丹書熟，善愁雪鬢侵。祇應杯酒裏，斟酌足長吟。

登那羅佛窟

面壁滄溟不記年，玲瓏石室尚依然。雲穿窟底侵苔溼，珠走空中墜露圓。失足佛門皆火宅，回頭東海卽西天。蒲團坐破青山在，雨雨風風總是禪。

冷亭二勞遺文告成

必待窮愁始著書，百年日月已多除。斯文幾代無秦火，後死何人辨魯魚。意外功名應自笑，時冷亭以選開中拔中副車

卽墨詩乘

卷之十

十一

事業未全虛，一編風雨蕭蕭夜。贏得先民共索居。

閨辭

含情拜新月，欲語還如諱。但問廣寒人，桂花開也未。燕趙佳，人地相逢定若何。是郎親口說，不是妾心多。

結廬

結箇茅菴傍水涯，沿溪栽竹種梅花。還畱隙地爲瓜圃，有客相過便當茶。

桃源詠落花

愁看桃葉與桃根，灼灼難招月夜魂。羨殺河東烟雨裏，

宜男花發女兒村。桃源在姑河西岸，女兒村在河東。

己卯閏六月廿八日大風雨害稼姑河決數處壞
廬舍自是霖雨七月十六日始晴桃源書事

里社傳呼接上官牽來農馬半無鞍成災未必全真假
使者還須仔細看

時上憲及牧
令會勘水災

江毓圻

字東屏乾隆辛未進士官東莞縣知縣

平山堂

金粉樓臺入眼新滿山蜂樣足遊人東風吹動長堤柳
猶舞江南未了春

周 溱

卽墨詩乘

卷之十

三

族曾叔祖字僑輿乾隆甲子舉人

厯下亭感舊

早年羈貫逐騷壇綠酒紅亭照影寒激澗湖光還似鏡
白頭誰更一憑欄

周澤晉

族曾叔祖字廷接號思蒼

恩貢生

霜葉

石林秋杪散霜華映岫臨溪入望賒小謝青山疎綺繡
上清紫氣落蘂葭仙源水暖桃生浪梓澤春深錦作花
輪與風枝凝露後和烟籠日釀丹砂

周澤京

族曾叔祖字研兩號柏亭拔貢生官臨邑縣教諭有鶴村詩集

江東屏毓圻墓誌公負通才不可以苟同而使人忘其岸異奉

萱堂承顏養志無幾微憾

獨酌

孤館濃春夜冥然對一樽遙思堂上苦欲斷酒中魂洗爵慚農賈分甘憶弟昆何當羣繞膝菽水話黃昏

山夜

寂處空山夜蕭騷意不禁寺孤僧榻迴霜薄客魂侵習
懶燈從暗多愁夢亦尋那堪窗紙漏風雨入龍吟

卽墨詩乘

卷之十

三

寄懷殷蕙田

憶昔分襟泛客舟鴻蹤雪爪竟何求故園桂玉愁中斷
絕塞風烟笛裏秋慈母焦勞空悵望深閨花月幾優游
應門五尺知誰是海外行旌寧復畱

春日寄懷東屏表兄

去年此日促征車濶別經今仍索居南北行蹤渾不定
冬春消息近何如雨晴樹隱同聲鳥波暖烟涵出沫魚
誰念秦關寥落客蓬飄猶滯數行書

秋日偕門人赴山寺讀書次壁閒韻

翠靄遙濃近若微掩關養拙世情希風鳴殿鐸驚山大

日射僧窗補衲衣欲澤蔚文思霧隱漫梳修翮望雲飛
有時自上山頭坐送盡斜陽一鳥歸

賦贈史二兄世衡

半生底事各東西借得中途喜共栖豪放似君真野鶴
清狂如我亦醜雞盟心久識言中意舊句難尋壁上題
最是夜闌方剪燭瀟瀟風雨正淒迷

送馬奎璧出都

都門把手悵離筵霜滿盧溝古道懸我亦天東落拓客
明宵有夢不成眠

周澤深

卽墨詩乘

卷之十

古

族曾叔祖字臨川號竺亭乾隆丙戌進士

黃練江如

稱清詠閣紀聞先生周歲失恃太夫人誥於婢
越數歲婢嫁去痘甚劇婢日來省視比氣絕入
土婢忽聞吟咯聲因出棺抱歸其家啖以香酒
數日尋愈送還長頗刻苦嘗以文質於初端崖
遇不愜意者卽於月下另成一藝端崖奇
其才丙戌聯捷後十餘年而歿於京邸

閒居

竹葉吐幽香清暉蔭草堂園深花厯亂人靜日舒長
迢遞苔生徑呢喃燕在梁北窗風謾謾高枕又羲皇

周澤曾

族曾叔祖字述一諸生有構園詩草

紀別

兄弟唯三人飢驅罕聚首節序每言歸晤對良非久詩
文共商確疑團欣爲剖但識匡居樂不覺離別陡胡爲
千里外燕市窮奔走今日過清明依依攀綠柳相視唯
歎呼明晨卽分手

山妻起清晨煑釜已成粥細細審行具含悽不肯哭竊
語非貧迫此行胡蹙蹙但呼兒女前一一待君囑女子
勤鍼線兒子勤卷軸勉聽阿母訓和氣積爲福爲人貴
自立勿貽父母辱子婦下病牀亦聆翁所告兒女紛紛
淚歷亂此心曲

春日

卽墨詩乘

卷之十

五

竹屋閉春寒臨窗一卷攤冥思飢欲妬苦境老能安翠
坼山頭雪風迴水上瀾梅花開未歇芬馥劇難拌

月夜

花影淡黃昏寒山月吐魂一庭人語寂半夜草蟲喧物
老憐秋色貧長閣酒尊清光如有意向不厭柴門

嫁女

十載深閨裏拈鍼自苦辛不曾虛夜火半是爲他人宛
轉慈帷意憂虞老父身宜家無別囑所鑒在吾貧

周冠纓

族曾叔祖字玉齋廩貢生

秋月

欄外高低花影浮烟光無際一天秋不知今夜明湖月
誰向西風賦舊遊

藍中璋

字奎莽昌後子歲貢生有匣外草

范函文中蘊三分草奎莽

絕意仕進催
提竟不赴

雜興

明月隨人樂月愁人亦愁秋入戍婦室春上王孫舟
畫船何皎皎空房獨悠悠

藍中珪

卽墨詩乘

卷之十

六

字汝封啟肅孫歲貢生官高苑縣教諭有紫雲

閣詩稿

鞠羹恭慎序先生好
靜坐披覽輒廢寢食

暮春有感

無計畱春住花飛轉更多不堪雲物變偏是雨風過
撫牌荊州淚驚心子夜歌西園頻秉燭青鬢看如何

春夜飲松筠草堂

良夜惜芳辰銜卮坐主賓雞豚供草舍松竹覆花茵
人靜和風細堂空晚月新幽懷相對處應不厭頻頻

過澗山舖

路轉峰高滿地秋白雲深處見瀨洲一泓水色連空碧

半是蘆花半是鷗

藍中高

字季登號海莊中珪弟拔貢生官日照縣教諭

有海莊詩稿

結廬

社燕營巢急何時息羽毛不期人已倦猶與物同勞欲
種陶潛柳言除仲蔚蒿數傳堂構在珍重屬吾曹

自我垂髫日行將四十年提攜嚴父側課讀兩兄前

授書於此菽水今何似人琴已杳然不堪懷往事一榻正遲
眠

卽墨詩乘

卷之十

七

同黃雲九敬方姪遊鄒氏園

城西十五里曲折到園林揖客茅堂夕看花竹塢深頻
年經耳熟此日暢幽尋去還相訪濠梁共醉吟

同黃鄰素昆季送別翼庭宿馬鞍山

尋春且莫惜春殘春去人歸興未闌策馬青山逢落日
裁詩小榻對黃冠林深乍見星明野岸近時聞水下灘
卽此應忘分袂苦大家樽酒共盤桓

根菴先生西齋梅花初放

雪壁紅燈四尺牀皤然一叟坐中央矮窗半展松紋紙

應賦寒梅十二香

山塘

水市烟村石徑斜夕陽門掩竹籬笆居人不用蠶桑業
一到春明便賣花

周知方

族伯祖字靜德乾隆戊午舉人 欽賜國子

監典簿

征婦吟

黃昏無計獨登樓數點殘星挂玉鉤記得當年今夜月
落紅飛盡不知秋

周志讓

卽墨詩乘

卷之十

六

先伯祖字芸工號抑齋乾隆甲戌會副官新會

縣知縣有六息軒詩稿

汪芝田鏞傳公績學工
文制藝尤爲後學傳誦

初任樂安學博督課引翼成就甚衆令三水以
清廉愛民受知上官調新會署連州厥至有政
聲

寄懷諸弟集杜工部句

終日戚戚隱羈旅長安布衣誰比數晚將末契託年少
此道今人棄如土邑有佳主人高儀邁等倫把臂開樽
飲我酒世上未有如公貧苦寒贈我青羔裘同心不減
骨肉親雖傷旅寓遠且復戀良友諸弟隔天涯鬱結回
我首欲問平安無使來懷抱何時得好開思家步月清

背立莫怪頻頻勸酒杯酒闌卻憶十年事猛氣猶思戰
場利當年歷塊誤一蹶年過半百不稱意自斷此生休
問天胡雁溼翅高飛難只願無事常相見况我與子非
壯年君不見夔子之國杜陵翁終日忍飢西復東英雄
有時亦如此何恨憔悴在山中擬把一竿終遠去東將
隨海入烟霧男耕女絲行復歌少壯幾時奈老何

過思陵

百六炎精厄雄心際末流諸賢分洛蜀大盜盛幡樓逝
水湘靈恨登天豎夢疇臨風悲往事蕭瑟錦屏秋

送別呂石莊先生

卽墨詩乘

卷之十

十九

邊地風霜苦蒼涼古驛城與君同異域別我忽長征日
暮雲歸岫山深鳥弄聲故園近何似吾亦念柴荆

棗園道中

樹杪日初生蒼茫宿霧平行人遲古渡羸馬怯遙程林
淨巒容出雲高海角明不堪回首處十里捲濤聲

單雲汀秋日登城樓原韻

天宇浮雲淨清颺撲面涼同人多逸興佳節近重陽秋
入暮山紫沙鋪邊日黃隔林蘭若地艾蒨訪遺香
不盡蒼茫日憑欄一望收雲開青嶂迴岡斷黑津流要
地尊三輔雄關控九州穆穆隄上柳搖落起鄉愁

送別單雲汀王極門歸里

握手定何日消魂最此辰途窮戀知己歲暮送歸人酒
緩刀頭約花迷洞口春故園饒樂事還一念風塵

示諸兒

爲語諸兒輩讀書漫惜勞問年俱長大已往半遊教疎
懶誠吾過辛勤望爾曹須知千里外此事日切切

六月十一日大雨

斗室雨翻盆飄搖動旅魂金形迷斛律筆訣憶平原選
地支烹竈移書趁曉暎消愁更無計相伴有清尊

安山夜泊

卽墨詩乘

卷之十

三

天空秋水淨風露夜漫漫兩岸蛩聲急孤舟月色寒病
多增畏忌客久耐辛酸故國人千里應憐道路難

茆茨

茆茨近倚小湖涯箇裏清閒亦足誇燕解尋人歸舊壘
鼠爲無米去鄰家詩情過險真成病酒債未還仍許賒
賴有笙歌伴幽寂門前閣閣足官蛙

留別壽張同學諸友

陽關腸斷第三聲匹馬輕軛促去旌病體何堪途九折
故人相對月三更憑將華髮稱前輩慚媿辨香誤後生
聊有片言須記取休教疎懶負寒檠

遊潭柘寺三十韻

遺構何從始莊嚴古道場幾年勞夢寐此日足翱翔遠
岫深攢碧疎林淡綴黃攀援怯危徑慰藉賴秋光驚客
樵人立趨溪浣女忙小橋緣曲折異境忽開張四面羣
峰合萬瓴虛谷藏侵雲森傑閣比翼繞長廊幢影翻遙
壁鐘聲度夕陽慈儀具種種法界浩浩茫茫異物來殊域
名花出上方縹緗傳勝國星斗煥宸章古木山靈

護雙柯

帝澤長行童開別院老衲下寒塘流水半

於地閒雲堆似牆藤根盤古塔露氣淨疎篁鶴語蒼崖
迴龍馴碧沼涼半空御縹緲全勢見低昂寂歷三乘地

卽墨詩乘

卷之十

五

縱橫十笏房雨聲寒照月瓶水靜聞香幽意何人識平
生此夜良如能心不轉便與世相忘地或分王氣天教
作佛鄉山中閒日月世外任滄桑應仗龍飛力全

消豕突狂傳燈知不滅扶國正無疆松韻清宜耳溪
雲滿貯囊餘情期後約歸路過前岡互舉猶多誤回思
漸失詳遙聞天際磬嵐靄鬱蒼蒼

湖蓮

險開曉鏡簇紅妝掠水風吹細細香何處蘭舟採蓮女
櫓聲驚起睡鴛鴦

周志詒

先伯祖字和亭號允翁歲貢生

江抑堂淑桀傳公嗜學夜讀無

燭嘗焚香照字教授生徒多所成立弟北阜公舉於順天年逾壯矣公督課如幼時卒成進士

送友人

攀取橋邊柳含情折向君此生期白首何意悵離羣疲馬嘶殘照輕橈隔暮雲故人如念我雙鯉在河濱

周志閏

後學黃壽豹填諱

先祖字叔和號北阜一號沾村乾隆乙未進士

官澄城縣知縣有北阜詩稿

單野甫可堪傳公澄城城浮糧萬

餘金攝篆畱壩同知捕劇盜豪猾斂迹戊申己酉入陝關所拔皆寒峻持強項不能悅上官院吏奉差至語不遜呼大杖立扑之糧道某索賄無以應以此齟齬請告歸

卽墨詩乘

卷之十

三

畱別任五清上單二野甫

人生底是怨別離別離會有重見期不惜一朝灑然別贏得他年苦相思君不見覲面荆棘叵測生還在樂數晨夕時季子縞帶能爲累伯牙琴聲積漸疑死生不變者誰是令人長憶任與黎馬鳴蕭蕭驪歌歇千里臭味如蘭芝聰山之雲漳河水此意永矢莫改移行看冬盡春復還與君共醉長安卮

和藍海莊先生結廬原韻

取次成新築何妨矮打頭槐陰常覆地菊色正宜秋牆角荒苔合籬根小嶂畱只緣綿世澤俯仰共清修

近郭招尋慣清談落塵毛良辰遇重九把酒見雙勞曲
徑藏新月閒階剪野蒿愧無張老頌乘興與誰曹
茅檐明旭日海燕自年年細雨春郊外輕烟晚社前一
枝聊復爾百世豈徒然最愛北窗下清風成醉眠
君家有石子曾此共徜徉九載同人恨三秋故我忙霜
深瓜蒂老風定菜根香卻看嗣宗在翛然竹樹旁

西園卽事次單野甫韻

春歸異地餘芳草雨過空庭長綠苔聞說園葵花半放
相攜樽酒客重來茶鐺移向樹陰坐碁局教從軒外開
最是風光無盡處乞將茅菊手親栽

卽墨詩乘

卷之十

三

登武安城東楊槐東

城郭參差遠目宜池荷隄柳雨霏微誰家塲圃澆新井
幾處牛羊點夕暉宿鳥直穿深樹沒行人轉向近村歸
巨峰雲斷空搔首贏得清風上客衣

寄懷家兄

高軒春暮一身存萬里何辭引旅魂桃李欲開隨近遠
雨雲倏變自朝昏南天瘴癘非前代北地風光似故園
出處從添無限事他年斗酒細追論

周知理

族叔祖字黃中歲貢生官汶上縣訓導

有感

依然修竹俯高臺，記得當時梁苑才。
誰說世情冷落盡，松梢猶有月明來。

周知侓

族叔祖字蝶園，副貢生。官定陶縣教諭，有蝶園

詩稿

柏林寺題壁

寺古意蒼涼，諸天事渺茫。
疎林漏斜日，秋水落寒塘。
偈說蓮花淨，經傳貝葉香。
衆生須普渡，何處覓慈航。

前溪納涼

卽墨詩乘

卷之十

三

響水聽非遠，濯纓高峽灣。
夕陽多在樹，殘雨每歸山。
沙聚鷺鷗集，石崩龍虎閒。
溪中有龍虎二石舞雩風，百代樂意一相關。

晚春漫興

春光幾度鬪穠纖，蠟屐初停坐映檐。
半畝池塘迷曉夢，一天風雨下重簾。
尙餘翠帶畱鶯織，畏見紅泥蹴燕銜。
何事相逢復相憶，夕陽亭下酒頻添。

流霞杯覆落花前，欲賦餘春意黯然。
駐景無妨隣此日，返魂有驗憶他年。
美人遲暮滯幽谷，公子忘歸憺遠天。
莫向旗亭頻悵望，驪駒唱罷草如烟。

幾認流光住此身和風和雨又殘春紅衣謝盡繁華夢
油幕空垂寂寞鄰蜀鳥聲聲俱帶血遊絲嫋嫋不驚塵
西園落日重回首情緒周章似別人

別情別緒意遲遲攀斷楊枝攀柳枝鮫室傾盤皆貯淚
蠶叢曲簿不成絲縱令井汲綆相引其奈夢回途轉疑
紫蝶黃蜂渾解事尙期白燕玉釵知

古意

清泉白石燦朝霞竹裏門開半酒家一曲豔歌人已醉
流鶯飛上海棠花

周界

卽墨詩乘

卷之十

三

先叔祖庠名經野字樂田諸生

郭冷亭廷翁周節婦江氏傳撫

其子經野俾從醇儒學而與勝己者交小不率則詞答隨之嘗涕泣引導子亦感動克自奮立

七月十五日夜坐

獨坐三更後蕭然庭際清凄其悲往事寥落歎餘生素
月參差影寒蛩斷續聲方驚秋色至霜露不勝情

周昀

先叔祖字東蔭諸生

家傳經學史學靡所不究

蘇村夜坐有懷

旅邸星河夜徘徊客子情鐘聲雲外迴花氣露中清
酒難成醉詩壇舊結盟同心人不見俯仰愧平生

藍用和

字介軒號長村乾隆丙子舉人官龍門縣知縣
有梅園遺詩

月夜登齋外小峰

獨坐孤峰上蟾光照眼明寒聲傳夜柝秋色黯高城巷
靜無燈火天空想弟兄何當荒圃外藉草瓦盆傾

貽謀主人邀同博王二鴻臚遊東臬出城作

望中疎柳幾人家茅舍參差傍水涯猶有衢塵些子在
紫驢嘶過白蘆花

寄傅子時御

卽墨詩乘

卷之十

三

比來客久不思家翻爲王孫別恨賒昨夜空階支肘坐
一庭明月浸榴花

江用渙

字澄斯如瑛從姪諸生有學吟草

蜃樓海市歌

茫茫海色接扶桑萬里乘風遠涵光三山從不到葦杭
貝闕銀宮聲琅琅自昔傳聞蜃樓起諸峰連市向空指
樓外樓市中市無端幻化何年始疑是洛妃初渲紙畫
圖一展霄漢裏漢武秦皇想像閒忽驚滄海又桑田人
物浮動若飛仙往來雲外何翩翩造化奇思如翻瀾陰

晴朝暮變大千影裏城郭世外境回視大地盡彈丸

張麗華

照眼繁華轉眼空
千金豔冶死匆匆
後庭花墜杜鵑血
點破胭脂井底紅

卽墨詩乘

卷之十

三

